

agerat, dixerat amicis, Orate Deum vt Euangeli doctrinam nobis conseruet: Pontifex enim & Cōcillum Tridentinum dira moliuntur. Quanta fuerit in eo vis & cōpia dicendi, testantur librorum monumenta. Germanicam certè linguam & exornauit plurimū, & locupletauit, & primam in ea laudem obtinet: & ea vertit è Latino sermone, quæ verti non posse putabantur, & significantissimis vtitur verbis maximēque propriis, & vnica voce rē non nunquā ob oculos ponit. Animo fuit prorsus inuicto. quo primum tēpore coepit docere de indulgentiis, ignorabat quò res ea pertineret, ut ipse met fatetur, & hoc vñ agebat: ideoque demissè admodum tum ad Pōtificem aliósque scribebat. Quum autē in Scripturæ cognitione magis in dies magisque proficeret, suāmque doctrinam cum verbo Dei congruere iudicaret, omnem aduersariorum impetum & totius orbis odium fortissimo pectore sustinuit, & tanquam murus aheneus constitit immotus, omni contempto periculo.

## LIBER XVI.

**D**E colloquio Ratisbonēsi paulo suprà dictum est. Profectus ed fuit cū Bucero permisso senatus Argentinensis Ioannes Diazius Hispanus. Is multis annis Lutetiae Parisiorum dederat operam literis & theologiæ Sorboni-

ex, Quum autem Lutheri libros & aliorū legisset, & indefesso studio sacram Scripturā cōvolveret, cōcepit ei doctrina illa sordere magis atque magis: & relicta Lutetia venit Argentinā & quia magnam in eo doctrinam ac studiū indefatigatum Bucerus animaduertit, aliquot post mensibus colloquii causa Ratisbonam iteraturus, auctōr fuit senatui, ut cum sibi comitem daret sociūmque laboris. Vbi Ratisbonam ergo mense Decembri venit, Petrum Maluendam, de quo diximus, quem Lutetiæ nouerat, adit. Is velut obstupefactus, deplorat & queritur, quod iis locis ipsum videret, & quidem in comitatu Protestantium. Erat Romæ Diazii frater, Alphonsus iureconsultus, qui eo defra  
 tre accepto nuntio venit in Germaniam: & cū Diazius  
 Neoburgi fratrem amantissimè conuenisset,  
 opera fra-  
 tandem id egit ut per prodīctionem eum inter-  
 truci-  
 siceret, opera cuiusdam sicarii, quē Roma se-  
 datus.  
 cum adduxerat. Is securim in partem capitis il-  
 lius dexterā impegit, dum literas legeret Dia-  
 zius, quas perfidus frater abiens veluti ex iti-  
 nere ad eum dederat. Quo tempore cādes fa-  
 cta fuit, Cēsar Spiram venit, Ratisbonam itu-  
 rūs. Lan̄grāvius erat monitus per Nauiu, ut in via cum Cēsare Ratisbonam eunte con-  
 gredetur. Idem ei Grāuellanus nuntiauerat.  
 acceptis ergo fidei publicæ à Cēsare literis, Lan̄gra-  
 venit Spiram, & Cēsarem adit, ac priuatim uius ad  
 cum eo per suum cancellarium locutus, ubi sui Cesarem.

aduentus causam & occasionem exposuit, dicit non ex vno loco, nec è Germania tantum, sed ab exteris etiam nuntiari, impulsu Pontificis eum malè animatum esse in socios Augustanæ confessionis: rumorem etiam spargi, quasi Galliæ Regi persuaserit in actione pacis, vt in iis multitudinis opem illi ferat. Adhæc Turcam ab eo solicitari de induciis, vt eō cōmodius quod propositum habet perficiat. Ideoque Concilium indicium & inchoatum à Pontifice dicunt, vt factis illico decretis, executioni res mandetur. Cæsar ad ea per Natuum, varios quidem ad se rumores allatos de ipsis, quasi molirentur aliquid, sed non habuisse fidem, præsertim cum ipsis ad Natuum litteras audisset recitari. Multo minus nūc etiam illud credere, quod de Galliæ Rege dixerit, eius nullum adferri posse documentum. Pacem sibi cum illo intercedere tantum, nec aliud quicquam. Esse morē illius gentis, vt temerē multa iactent. De induciis Turcam ab se interpellatum, Germaniæ causa potissimum. Quum enim in plerisque comitiis de sumptus magnitudine querantur, & populi tenuitate, viam hanc sibi visam esse cum primis idoneam, vt per tempus induciarum de belli ratione in illum suscipiendi, deque religionis compositione tractari possit. Cæterum nullas ab se cogi manus. Post multa vltro citrōque commutata verba, Lantgravius peramicè dimissus à Cæsare,

Cæsare, discedit, Hædelbergam profectus, inde domum. Cæsar autem rectâ contendit Ratisbonam: & illisip̄s ferè diebus, nimis ad Calendas Aprileis legati Protestatium Wor-maciæ conueniunt, de summa rei consulturi. Quia verò benignè Cæsar Lantgrauum ab se dimiserat, illi acceptis à Lātgraui literis, qui rem actam interea cum Saxone communicaue rat, Aprilis die vicesimotertio discedunt, ut Ratisbonæ, quod prōficiendum erat alioquin ad comitia, de hisip̄s rebus deliberent. Hoc in conuentu Rauesburgenses in Protestan-tium fœdus venerunt. <sup>Concilii 3.</sup> Aprilis die octa-  
uo tertius fit Tridenti consesus patrum. Ibi  
veteris & noui Testamenti libri recitantur,  
& sacrosancti esse iubentur. Vetus autem &  
illa vulgata Bibliorum versio, sola iubetur in  
templis & scholis obtinere locum. statuitur  
etiam ne quis ad suum captum atque sensum  
interpretetur sacram Scripturam, sed ut Ec-  
clesiæ consensum atque Patrum in eo sequan-  
tur omnes. adhæc librariis, ne quid excudant  
aut distrahabant, nisi de consensu Præsulis or-  
dinarii, mandatur.

Clerus & academia Colonensis, litem  
suam aduersus Archiepiscopū magno studio Fuknen  
Romæ exercebant. Itaque Pontifex Aprilis Pontif. in  
diē decimo sexto lata sententia, illū quod suæ <sup>Coloniæ</sup> <sub>fam.</sub>  
salutis immemor, contra regulas & doctrinam

ecclesiasticam , & Apostolorum traditiones,  
cōtra Christianæ religionis cōsuetos in eccle-  
sia ritus atque ceremonias, contra Leonis deci-  
mi censuram, aduersus Lutherum atque so-  
cios éditam, non vno modo peccarit, ab ecclē-  
sia communione submouet , & Archiepisco-  
patu, ceterisque sacerdotiis omnibus & priu-  
legiis & facultatibus priuat : & ipsius ditio-  
nis populo mandat , in vniuersum ne deinceps  
ei pareant : iusurandum etiam, quo sint  
ei déiuncti, remittit, eisque silentium imponit:  
& vt sumptum lītis aduersæ parti restituat, e-  
dicit. Erant adiuncti Coloniensibus, Leodi-  
nus & Vtricensis Episcopus, & academia Lou-  
aniensis . Ea sententia Romæ pōst excusa  
fuit typis, Augusto mense. Cæsar vbi Ra-  
tisbonam venit , & è Præsidum colloquii ser-  
mone cognouit de re tota , molestissimè tulit  
theologorum abitionem : & dimissis in Ger-  
maniam literis, admodum de eo queritur : &  
Principes ut ipsi veniant, grauissimis verbis  
hortatur. A protestantibus legati solūm ve-  
nerunt, & his aderant Palatini, Colonenses,  
Monasterienses, Noribergici, Ratisbonenses  
ac Norlingenses legati. Altera die Iunii Prote-  
stātes adeūt Cæsarē, querūtur de cēde Diazii,  
Comitia Ratisbone & de parricida suppliciū sumi postulāt. Cæsar  
cum fratre deliberaturum fese. Ferdinandus e-  
tiam interpellatus, eodem modo respondet.  
Cæsar paulo pōst conuocat omnes ordines,

&amp;

& indicti causam conuentus exponit: & quum  
vehementer cupiat pacare Germaniam, dis-  
fidio sublato religionis, petit ut quid am-  
plius in eo faciendum esse putent, sibi com-  
municent, vt pro suo munere officioque, sta-  
tuere demum utiliter aliquid possit. Adhæc  
quoniam Imperii summa necessitas postulet,  
vt Cameræ iudicium restituatur, & verò  
quemadmodum id fieri debeat, legibus iam  
antea cautum sit: postulat ut qui eius rei ius ha-  
beant, exhibeant ac representent assessores, &  
impensam omnem faciant. Solent Electores  
communicare confilia, sed hoc tempore Mo-  
guntini & Treuirenses legati secessionem  
faciunt à Coloniensibus, Palatinis, Saxoniciis,  
Brandenburgicis, & ad Pontificios trāseunt: &  
re deliberata Concilium Tridentinum appro-  
bant, & Cæsarem, ut illud tueatur & Prote-  
stantibus persuadeat, hortantur, quò nimí-  
rum & eò veniant, & synodi decretis atque  
cognitioni se submittant. Protestantes verò  
Cæsarem orant, ut firmam pacem & æquabile  
ius constituant, ut religionem legitimo Germa-  
niæ Concilio, vel Imperii conuentui, vel collo-  
quio doctorum, certis legibus instituēdo, per-  
mittat. Dum his de rebus deliberatur, ecce fa-  
ma spargitur, à Cæsare & Ferdinando & Pon-  
tifice maximos fieri belli apparatus. Nam quia  
pacem Galliæ Rex cum Cæsare colebat, & in-  
ductas in hunc annum Turca largitus erat, i-

Fama belli  
in Protes.

doneum hoc videbatur esse rei gerendæ tempus. Episcopi quidem & sacrificus Cæsar is magnum inter alios huc attulisse momentum dicuntur, à Pontifice nimirū subornati. Quū ergo belligerari Cæsar omnino decreuisset, nona die Iunii Tridentinum Cardinalē celerissimo cursu cum mandatis Romam mittit ad Pontificem, auxilia promissa conquirendi causa. Biduo pōst centuriones omnes, tribunos atque duces cum pecunia dimittit, vt euestigio delectus habeant. Burensi Comiti Maximiliano iam antè mandauerat, vt quantas omnino posset equitum peditūmque copias per inferiorem Germaniam conduceret. Albertum etiam & Ioannem Brandenburgicum & ordinis Germanici magistrum Wolfgangum iubet conscribere equitatum. Nam duo illi, quanquam erant religionis, & Ioannes quidem etiam foederis Protestantium, tamen quod Cæsar non propter religionē, sed quorundam rebellionis vlciscendæ causa, bellū su scipi diceret, suam illi operā addixerat: & erat Ioannes Henrici Brunsvicensis captiui gener. His rebus commoti, dēque communi Germaniē periculo solliciti Potestatiū legati, reliquos Imperii ordines, vt Cæsarem vnā secū adeāt, belli deprecandi causa, rogāt: verū id frustra fuit. imprimis autem Moguntini recusabāt & Lantgra vii sagacitatis. Treuirenses. Lantgrauius, qui diligentissimē peruestigaret omnia, subinde missis Ratisbona

nam literis, quid comperisset, & quid diuersis ex locis ad se delatum esset, nuntiabat: & vt equitum cohortes aliquot, iam antè propter belli suspicionem conductæ, retinerentur amplius, & nouæ conscriberentur, monebat. Illi verò, quod Cæsar is postulata nihil hostile: sed summam lenitatem studiūmque pacis præ se ferrent, nullum eo quidem anno bellum esse futurum putabāt. cùm autem ipsa res declararet non esse vanum rumorem, quū iam non in Germania tantum, sed per Italiam quoque manus cogerentur: Hispanorum etiam aduentarent copiæ, Iunii sextodecimo die adeunt Cæsarem: & quia plena sunt omnia motibus bellicis, num ipsius hæc fiant imperio sciscitantur. Ad ea respondet Cæsar, non aliud se habere propositum, quam ut concilientur ordinis: & pax atque ius per Imperium valeant. in eo qui sibi paruerint, eos omnem abs se benevolentiam expectare iubet: qui secus facient, in hos pro iure & auctoritate sua sibi agendum esse dicit. Paulo post Granuellanus & Nauius ad se vocant quarundam foederis Protestantium ciuitatum legatos, Argentinæ maximè, Noribergæ, Augustæ & Vlmæ: & ad singulos separatim locuti, bellum hoc non aduersum ciuitates, verum in quosdam parari dicunt rebelles, qui læsæ maiestatis crimen admiserint, qui Cæsar is auctoritatem violauerint, qui Principum aliquot atque

f. iiiij.

Episcoporum facultates occuparint, qui per occasionem ne ciuitatibus quidem sint parciti. Fidem igitur & officium Cæsari prætent, nec aduersariis opem ferant, ut ne Cæsar causam habeat offensionis in ipsis. Scripserat Cæsar in eandem sententiam ad ciuitates, & ad Wirtembergicum quoque Principem. Hoc tempore Tridenti statuitur, vt in eorum, qui vulgo Canonicī dicūtur, & monachorum collegiis, theologica lectio cuiquam demandetur, ad eamque rem sacerdotium aliquot loco stipendiī designetur. ad legendi verò munus nemo recipiatur, nisi de cuius eruditione, moribus atque vita compertum habeat Abbas aut Episcopus. Et quoniam Euangelii prædicatio non minus necessaria sit, quam ipsa lectio, iubentur Episcopi & quicunque alii proceres ecclesiistarum, docere populum: aut si legitimè impedianter, substituere qui faciant. Archipresbiteris etiam atque populi pastoribus mandatur, vt saltem septimo quoque die, qui Domino sacratus est, denuntiet hominibus quæ necessaria sunt ad salutem: hortentur eos ad virtutem, & à vitiis deterreant. negligentibus constituitur poena: simul admonentur Episcopi, diligenter cognoscant quid quisque doceat: & si forte disseminentur hæreses ac opiniones absurdæ, remedium legibus præscriptum adhibeant. Post fiunt decreta de peccato, quod vocant originis: & culpam eius oninem tolli di-

*Decretum  
Concilii  
Tridentini*

*Peccatum  
originis.*

cunt

cunt per Baptismum manere quidem in bapti-  
zatis somitem peccati seu concupiscentiam:  
& licet hanc Paulus aliquando peccatum vo-  
cet, hoc tantum fieri, non quod reuera sit &  
propriè peccatum, sed quod ad peccatum in-  
clinet. hoc autem decreto non comprehendi  
virginem Mariam. Mauricius, qui vigesi-  
moquinto die Maii Ratisbonam venerat, Iu-  
nii die vigesimo discedit, ubi Cæsar priuatim  
cum eo diu multumque sermocinatus fuit. E-  
ius verò quæ fuerit summa colloquii, res ipsa  
post declarabit. Protestatum legati, quum  
ad vim & arma spectarent omnia, neque sine  
periculo de rebus necessariis vel deliberare  
possent, vel ad suos etiam prescribere, disce-  
dunt alii post alios, domumque redeunt.

Ad Idus Iunii Cæsar legatum mittit ad  
Heluetios, & initio præfatus de sua in ipsos be-  
nevolentia, de charitate erga républicam, ma-  
xime verò Germaniam, studiisque pacis, Ger-  
maniz quosdam ait esse Principes, qui sub  
Euangelii prætextu multa seditione faciant,  
leges omnes euertant, ut sublati iudiciis ni-  
hil sit amplius quod metuant. Eorum audaciā  
ed nunc progressam, ut contra suū honorem &  
magistratum nitantur, & vim atque bella mi-  
nentur, nec obscurè præ se ferant, quasi per  
suam absentiam inuadere cogitent & opprime-  
re cōmunem patriam. His ergo rebus coactum  
arma sumere, ut pro sui muneris atque loci di-

Colloquiū  
Mauricii  
cō Cæsare.

gnitate, periculum à republica depellat, & illos coherceat. Superioris Germaniae ciuita-

Protest. co  
pie. tes, & Dux Wirtembergicus, auditio Cæsaris responso, quod per Nauium dedit, continud datis literis ad Saxonem & Lantgrauum fœderis duces, quid agatur ostendunt, & omnē fidem opémque polliciti, quantas omnino pos sunt, peditū copias cōscribunt: & omnino pri mi fuerunt in armis. Exercitus autē erat bipartitus. vnū agmē erat Ulrichi Principis, ad vingtiquatuor signa peditum: & in his ex nobilitate complures: alterum erat à ciuitatibus conductum. Duces primū ciuitatum copias, certis conditionibus per iusurandum, vt fieri solet, astringunt: & vt Schertelino pareant, ac dicto sint audientes, mandant, donec Principes ipsi, fœderis duces, venient. Pōst ad Wirtembergicos digressi, quū idem egissent, Hedeccum illis eadem ratione ducem constituant.

Protest. ad  
Venetos. De Smalcaldicorum legatis antea dictum est, quemadmodum Ratisbona discesserint, conductis autem copiis Ulmae congregantur, vt in commune consulant. Itaque Iunii die vigēsimoprimo Duci ac Senatui Veneto scribunt, & de Pontificis iniuria questi, rogant ne illius copiis dent iter per fines suos: & si Pontificis vires augeantur, quid ipsis & aliis per Italiam populis expectandum sit, superioris ætatis exemplis demonstrant. Deinde quia Rhœtos atque Tirolenses acceperāt multūm angi

angi propter externi militis aduentum, vltima  
die Iunii per literas hortantur, vt transitu illos  
prohibeant: ad eāmque rem auxilia pollicen-  
tur. A Noribergicis quoque petunt opem. sed  
illi non se posse dicunt, quōd ad suorum finiū  
defensionē, vix ipsi satis habeant. adhac Scher-  
telino mandat, vt hostes qui prope radices Al-  
pium , delectus habendi causa confluabant,  
inuadat: simul ad Heluetios legationem decer-  
nunt . De Cardinali Tridentino diximus Fadus Ce-  
sar, cum  
Pontifice.  
antē, qui Romam celeriter transcurrit missu-  
Cæsar. Illo igitur solicitante, quod iam an-  
te conceptum erat & informatum, Iunii die  
vigesimali decernitur his pactis. Quoniā  
per multos nunc annos in magnis perseuera-  
uit erroribus Germania, sic vt ingens ex eo  
sit metuendum periculum: cuius quidem auer-  
tendi causa sit indicatum Tridenti Concilium,  
& mense Decembri anni superioris inchoa-  
tum: & verò Smalcaldici repudient illud, nec  
ad se pertinere dicant. ideo Pontificem atque  
Cæfarem pro gloria Dei , & pro reipublicæ,  
maximè verò Germaniæ, salute, certis legibus  
inter se transegisse. Ad hoc ferè tempus pa- Pax Galli  
cum Anglo  
cem Galliæ Rex facit cū Anglo, & Boloniā ei  
permittit, donec pecuniam debitam persol-  
uat: & quum hisipſis diebus Galliæ Regis filio  
Henrico nata effet filia Isabela, Rex Angliæ,  
cōfirmādæ amicitiæ causa, rogatur, vt in facro  
Baptismate p illa fideiubeat. Tūc etiā Scotiæ

Cardinalis Andræanus, in sua quadam arce, sub prandii tempus confoditur à nobili quodam, cuius ille fratrem ob Lutheranismum durius tractauerat. Fa&a cæde percussor in Angliam profugit. Iulii die tertia Pōtifex dat literas ad Heluetios, quibus eos hortabatur, vt in tam pia aduersus hæreticos causa auxilia subministrarent. Protestantium superioris Germaniæ legati, quinta die Iulii Badenam Vlma veniunt ad cōuentus Heluetiorum, & expositis mandatis, in mensem Augustum reiiciuntur. Postulata erant ne militi extero dent iter per suos fines, & vt suos ipsi militare permittat, si res ita postulet. His etiā diebus Brunsuicenses, Goslarienses, Hildesfemii, Hānobrii, mandatu Saxonis atque Lantgrauii demoliuntur Henrici Brunsuicēsis primariam arcem Wolffebutelum. Palatinus Palat. ad Cæarem. Elector in his motibus interpellat Cæarem Ratisbonæ per legatum, & que sit belli causa, in quem fiat belli apparatus scire cupit: deprecatur etiam, & vt sibi liceat intercedere, obsecrat. Cæsar respondet, non illi esse difficile utrumque scire, & que sit causa, & qui petantur bello, post eadem ferè quæ suprà criminatur. Cæsaris responsum Palatinus Iulii die decimo, quum pridie esset allatum, Saxoni, Lantgrauio & Wirtembergico mittit, & explicato communi periculo, quod incumbat Germaniæ, præsertim ab externo milite, si bellum in crude-

crudescat, obtestatur, ut quantū omnino pos-  
sint, largiantur atque concedant. Saxo in-  
terim atque Lātgrāuius, quibus omnino præ-  
ter expectationē hic tam repentinus motus ac  
cīdit, præsertim quōd amicissimē Cæsar Spi-  
ra nuper discesserat, certiores facti de re tota,  
magno studio copias & ipsi conducent, & ad  
socios datis literis, ut idem faciant, ne ve calli-  
dis quorundam consiliis diuellī fēse patiātur,  
monent. Et quum deliberandi causa cōuenient  
sent, Iulii die quarto datis ad Cæsarem literis, Saxonie  
Lant. ad  
Ces. literis

queruntur quōd Romani Antichristi ac impīi  
Concilii Tridentini impulsu bellum in eos  
fūscipiat, vt & Euangelii doctrinam, & Ger-  
maniae libertatem opprimat. Eodem ferē  
tempore Protestantes ad Gallię & Anglię Re-  
ges, nuper reconciliatos mittunt legatos, qui  
de auxiliis vtrunque fōlicitent. Quum Saxo  
& Lantgrāuius ad Cæsarem priuatim scripsit-  
sent, vti diximus, publicum etiam scriptum e-  
dunt Idibus Iulii, quo demonstrant religionis  
causa bellum hoc iūscipi, & hoc esse consiliī  
Cæsarī, vt obducta quadam specie rebellio-  
nis, & tanquā in paucos aliquot vindicare ve-  
lit, socios fœderis diuellat alios ab illis, & tan-  
to facilius paulatim pōst omnes euertat. Eius  
rei p̄bationes multas adducūt, et quid Ferdi-  
nādus Rex, quid Grāuellanus, quid Namus,  
& alii quidam Ratisbonæ priuatim dixerint,  
referunt: nimirum Concilii cōceptum, hu-

Brandebur*ius* causam esse belli. Eodem die scribunt  
gei persi ad Ioannem Marchionem Brandenburgicum:  
*Ex* & quia sit foederis Protestantium, vt quidem  
ipsius literis doceri possit, deinde quia priua-  
tum sit iam olim ipsorum confederatus, mo-  
nent ne ferat arma contra se: nam alioqui fore  
vt rem omnem euulgent, & quam non suum  
faciat officium publice demonstrent. Ad hæc  
ille, se militare Cæsari, neque negare, quan-  
doquidem sibi cauerit non peti religionem. se  
quidem esse foederis Smalcaldici: verum Au-  
gustana tantum confessionis ratione. quod ad  
priuatum foedus attinet, in eo Cæsarem excipi  
claris verbis. id quum ita sit, non esse cur  
hanc suā militiam ægrè ferant, aut aliquid ab  
se contra fidem datam factum esse dicant. Illi  
euulgato scripto, quod dixerat de Augustana  
confessione, refutant, & ipsius literis docent,  
eum sibi sociisque teneri opem ferre, si res in  
eum casum deueniat; & si quis aliam contra se  
belli causam obducatur atque simulet, vti nunc  
Cæsar facit. Itaque diligenter monet omnes,  
præsertim tribunos, centuriones atque mili-  
tes, ne suam operam illi, qui fidem violarit, ad-  
*Protest. se* dicant. Porro quanquam Cæsar is hoc erat  
*dilectus.* eosilium, vt conductis vndique copiis, quam  
posset occultissime Smalcaldicos adoriretur,  
priusquam essent instructi: tanta tamen erat  
illorum diligentia, tantus hominum ardor &  
ad defendendum hoc bellum alacritas, vt ad  
decimam

decimā sextam Iulii diem Lātgrauius suas copias educeret in hostem: tametsi per inferiorē Germaniā Burēnsis Maximilianus exercitum iam propè totum haberet instructū, nec in quē primum facturus esset impetu constaret. Filium natu maximū Guilielmum, ad sexdecim annorum adolescentem, Lantgrauius antequādē suis finib⁹ exiret, Argentoratū misit, urbem præ cæteris valde munitam. Primus impetus à superioribus Germanis, qui iam erant expediti, factus est in hostem ex Vindelicis. Quum enim crebris nuntiis afferretur, Pontificis copias iam superatis ferè Alpibus imminere Germaniæ, prauertendum illis esse iudicabant. sic autem res habet. Ex Italia venientibus per Tridentum est iter OEnipontem, Ferdinandi ditionis oppidum. Inde duabus omnino viis in Bauariam itur, vbi tum Cæsar erat, vel secundo flumine OEno per Copstenum, vel ad lœuam per medias Alpes. Propè ad exitum Arx Ere-Alpium habet arcem Erebergum, editissimo loco positam, Rex Ferdinandus: & ea est natura loci, propter angustias & crepidines viarum & præcipitē despectum, ut qui hunc aditum tencat, quantumvis magnas copias aditu prohibere possit. cōtēdit igitur eō cū mediocri manu Iulio mēse Sebastian⁹ Schertelinus, mandatu legatorū, qui Vlmæ conuenerant: & ex itinere capta Fiessa, oppido Episcopi Augustani ad Læchum flumen, aditum etiam

illum & arcē decima die Iulii, deditio[n]e facta  
per milites præsidiorios, occupat. Erat eius  
consilii, cōtinuato itinere per Alpes, OEni-  
pontem etiam capere, & firmo præsidio muni-  
re. sic enim vtranque tenuisset viam, qua veni-  
tur in Germaniam ex Italia: & milite Cæsarē  
atque commeatu, iis quidem locis interclusis  
set. Sed in hoc tumultu, quum iussu Ferdinan-  
di repente ad arma vocati essent omnes per a-  
grum Tirolensem: magnæ manus conueniunt  
OEnipontem, ductore Francisco Castellato,  
Tridenti præfecto, & ad oppidi defensionem  
relieto præsidio, vias & aditus occupant. Ita-  
que Schertelinus, imposito in arcem Ereber-  
gum præsidio, & oppidum Fiessam milite, re-  
trœcedit, & cum suis deinde copiis, ad eum ex-  
ercitū, qui per superiorem Germaniam col-  
lectus, ad Danubium erat, proficiscitur. Sub  
idem tempus Eistetenis Episcopus Mauricius  
legatos mittit ad belli duces, & vt sibi suffi-  
que parcant, orat: iter etiam per suos fines &  
commeatum, pacto pollicetur. Interim Sa-  
xo & Lantgrauius cum suis copiis procedunt,  
& per Franconiam profecti, quum Wirciburg-  
ensis Episcopus, ipsis idoneè de nō impediendō  
commeatu cauisset, ad socios contendunt.  
Erant tum in ipsorum castris, Electoris Bran-  
deburgensis & Mauricii ducis legati, de per-  
mittenda intercessione missi: quum autem illi  
rem ad socios reiicerent, nihil actum fuit.

Qui

Qui commorantur Augustæ, prædiuites quidam, collectis rebus, vrbe iam pridem excesserant. Et quia rumor erat, eos mutuò dare pecuniam Cæsari, hi qui tum erant Vlmæ legati, datis ad senatum Augustanum literis, & missis internuntiis, quām hoc sit indignum, demonstrant, grauitérque monent, dent operam, ne quid in posterum tale fiat. Senatus, illos iam antè, suo more, pecuniam fortè mutuò dedisse respondet, ne esset otiosa, quod belli consilia nescirent: nunc autem existimare, neminem esse qui id faciat: nec enim impunè cuiquam futurum, si resciscant. Erat id temporis Ratisbonæ Cæsar, & præter Hispanos ad millia tria, peditum Germanorum millia circiter quinque, & ad septingétos equites, nullæ adhuc ad ipsum copiæ tunc conuenerant. Facta nuper pace inter Galliæ regem & Anglum, opportunè Protestantibus accidit, quod milites Germani, quorum opera Galliæ rex usus fuerat, dimissi, transferunt ad ipsos. Saxonem atque Lantgrauium Cæsar vicesima die Iulii, publicis literis proscriptis, perfidos, rebelles, seditiosos, læsæ maiestatis reos, & communis otii perturbatores, mandans ne quis opem illis ferat quoconque modo, neque se causæ illorū adiungat. Qui secus fecerint, & fortunarum & vitæ discrimen adibunt, quique profecti sunt ut illis militent, redant quamprimum: ipsi vero omnes subministrent auxilia, neque fœ-

T.

dere vel pactionibus priuatis impediri se patiantur, quod rescindat hæc omnia. Deinde nobilitati & populo ditionis ipsorum, fidem atque iusurandum, quo sunt eis deuincti, remittit, & publica fide cauet, si morem gerant: qui recusant, eodem modo quo illi plectentur. Inter hæc Hieronymus Franchus, Legatus Pontificius Lucerij agens, solicitabat Heluetios, ut foederi, quod nuper ad exitum Iunii Pontifex atque Cæsar inierant, ascriberentur: quandoquidem locus sit relictus aliis, qui velint in eam societatem venire. Quod foederis causam Pontifex enuntiarit, callide factum esse nonnulli putant, ut hac ratione Cæsarem summis difficultatibus obiiceret. Moleste quidem ipsum tulisse, quod Cæsar aliam bellii causam, quam religionis præ se ferret, certum est. In hoc tempore Bauariæ ducis filius Albertus, Ferdinandi regis filiam Annam, alteram verò Mariam, Gulielmus dux Cluensis, in matrimonium dicit. Quum enim Nauarricam Cluensis frustra speraret è Galliis, indultu Pontificis, ut aliam duceret permisum ei fuit. Peractæ sunt vtriusque nuptiæ Ratisbonæ, mediis in turbis atque motibus bellorum. Confessui patrum Tridenti dictus fuerat dies ad exitum Iulii: sed dilata res fuit in anni sequentis initium. Erant autem tridentini præter Cardinales Pontificis legatos, & Tridentinum atque Pachecum Hispanum,

*Nuptiæ in  
ter anna.*

*Patrum  
Tridenti-  
norum ca-  
talogus.*

nū, Archiepiscopi quatuor, Episcopi triginta  
tres, & in iis duo Galli, quinque Hispani, Illy-  
ricus vñus, reliqui omnes Itali, Theologi do-  
ctores monachi triginta quinque, ex aliis verò  
non monasticae professionis duodecim, plæ-  
riique omnes Hispani. Cæterū in quatuor  
illis Archiepiscopis erant duo veluti persona-  
ti, Olaus Magnus Vpsalensis, Robertus Ve-  
nantius Scotus. Id autem sic accidit, Cùm Sue-  
ciae rex Gustanus, Daniæ finitimus, religio-

Rex Sue-  
ciae Euani-  
gelium re-  
cipit.

nem mutaret, quod fuit anno circiter M. D.  
XXXVII, Ioannes Magnus, Archiepisco-  
pus Vpsalensis, qui mutationem illam impro-  
baret, relicta patria Romanā confugit; eoque  
venit mediocri cum comitatu. Venetias pro-  
fectus deinde, factus est eius ciuitatis Patriar-  
chæ vicarius, & vt vulgo dicunt, suffraganeus.  
Eam verò conditionem postea pertæsus Ro-  
manam reuertit, & in angustias redactus, quum  
diuenditis equis, familiam ferè totam dimisif-  
set, à Paulo pontifice collocatur in hospitali  
domo, quam vocant sancti Spiritus, in eaque  
tenuis & pauper vitam finiit. Erat cum eo fra-  
ter Olaus. huic Pontifex Archiepiscopatum  
illum Gothicum, licet extra commercium  
ecclesiæ Romanæ positum, confert, & con-  
cilio interesse iubet, & ad victimum quo-  
tidianum dat aureos menstruos quindecim.  
Alter ille Scotus, quum Archiepiscopatum  
Armacanensem esse in Hibernia Pontifici de-

monstrasset, titulum fuit ab illo consecutus. erat autem cæcus, & tamen non solùm missificabat, verum etiam per celeres equos currebat. Hos ergo duos Pontifex in cœtu patrum esse voluit, ostentationis causa tantum, quasi duo isti populi tam longinqui, Gothi & Hiberni, potestatem ipsius agnosceret: quum illi re vera, præter vimbram & nudum titulum nihil haberent.

**Mauricius** De Mauricio suprà diximus, quem admodum post priuatum cum Cæsare colloquium, Ratisbona discesserit. Vbi domum reuertit, subsequente paulò post Ferdinando rege, Pragam ad illum proficiscitur. Augusti deinde mensis die primo Cæsar, proscriptio- nis, quam suprà diximus exemplum, Mauricio Ratisbonæ mittit, & datis ad ipsum & populū communibus literis, eadem ferè, quæ proscrip- tionis tabula continebantur, commemorat: & quia proscriptis agnatione sit & necessitudi- ne coniunctus, ita quidem ut in illorum posses- siones atque bona ius aliquod sibi forte ven- dicare posset, grauissimis verbis mandat, ut si- bi in occupandis illorum prouinciis adsit totis viribus: imò ut ipse quāmprimum occupet omnia, & sui iuri tuendi causa detineat. nam alioqui fore ut occupantis omnia fiant. Quas Mauricio scripsit, Augusto etiam fratri com- munes erant literæ. Smalcaldicorum exer- citus iam omnis ad Danubium peruenierat. Ibi Saxo, Lantgrauius atque belli duces dant literas

literas ad Gulielmum Bauariæ ducem. Ad septimum Augusti diem, Mechliniæ, quod est Cœsaris ditionis oppidum Brabantiaæ pulcherrimum, puluis tormentarius in turri quadam in mœnibus dispositus, à fulmine correptus & incensus, ipsam turrim primùm à funda mentis euertit, proxima deinde ædificia, intra & extra urbem, ad quingentos in circumitu passus inuasit, ex iis pleraque incendit, plurima euertit, diruit, ac disiecit, nonnulla concussit ac disruptit, atque ex iis lapides ingentes correptos, plerisque ad sexcentos passus longè abiecit: atque ita corruptis teclis ac denudatis, totam propemodum urbem defor mavit, arbores radicibus euertit & ambusit. Perierunt in ea calamitate homines plus minus ducenti, partim incédio absumpti, partim ruinis ædificiorum ac lapidibus & tegulis ob rutti, præter eos, qui grauiter vulnerati mortem effugerant, quorum ingens erat numerus. Ex his complures biduo ac triduo, nonnulli quatriduo post, è cellis subterraneis, in quas confugerant, plerique mortui, qui vel fame vel spiritu præcluso extinti erant, pars viui, qui penu ibi condito inuento, vitam ibi tolerauerant, reperti atque extracti sunt. Præterea ingens numerus iumentorum atque pecorum cum stabulis deflagravit. Murus autem, qua parte turris steterat, ad ducentos amplius passus drutus ac solo fuit æquatus.

Mechliniæ  
clades.

Protest.  
Cæsari  
bellum in  
dicunt.

Quia Protestantes iam cum omnibus co-  
piis erant ad Danubium, sicut diximus, Cæsar  
qui nondum esset instructus, Augusti mensis  
initio relicta Ratisbona cum præsidio, Lan-  
dishutum petit, Bauariae ducis oppidum ad  
Isaram flumen, & pro mœnibus castra ponit.  
Donauerda Saxo, Lantgrauius atque socii,  
missis literis Augusti die vndeclima, quo sint  
in ipsum animo, iuxta belli morem atque le-  
gem denuntiant, & amplioris cautionis loco  
eam qua deuinandi fuerant fidem & officium  
renuntiant, profitentes palam & more solen-  
ni, se animo paratos ut ipsius ac eius sociorum  
bellum à se depellere cogitent, ac necessario,  
defensionem suscipiant, quam & Diuinum &  
naturæ quoque ius concedit. Hanc epistolam  
per adolescentem quendam nobilem & tubi-  
cinem, vti fieri solet, ad Cæsarem mittunt in  
castra prope Landishutum: ille autem non mo-  
dò non accipit: verum etiam iubet, capitis de-  
nuntiata poena, vt eam suis referant. hoc insu-  
per addit, si quis in posterum ab illis ad se ve-  
niat, fore vt loco muneris ac torquis aurei la-  
queum abs se ferat. Deinde proscriptionis ta-  
bulam illis tradit, & grauissimis verbis man-  
dat, vt suis eam reddant. Postea Protestantes  
quò sit eundū deliberat. Erant qui Ladishutū  
dicerent, vbi Cæsar erat. quum autem periti  
regionis docerent interesse paludes, ita qui-  
dem vt angustis admodum viis, per vnum &

alte-

alterum subinde milliare singulis eundum es-  
ser equitibus, mutato cōsilio Ratisbonam ire  
statuunt, vbi Cæsar & præsidium reliquissēt  
& tormenta: & si Cæsar ob sessis opem ferat,  
de summa rei posse cum eo dimicari. Promoti-  
tis ergo castris per gunt, sed lentē admodum.  
& sub illud ferē tempus, quod fuit ad Idus  
Augusti, Landishutum veniunt Itali seu Pcn Copie  
tificii milites, maxima cum Cæsar's expecta-  
tione, qui de Smalcaldicorum progresu cer-  
tior factus, dimissis nuntiis illos ut accelerar-  
rent, hortatus fuerat. Peditum erant millia de-  
cem, equites leuis armaturæ quingenti. His  
omnibus copiis nepotem suum ex filio, Octa-  
vium Farnesium Pontifex præfecerat. Huic  
adiunxerat Alexandrum Cardinalē, qui ex I-  
talia discedens, dixisse fertur, se tantam datu-  
rum esse stragem per Germaniam, ut in Luthe-  
ranorū cruce vel natare posset ipsius equus.  
Non multò pōst aduenerunt etiam Hispani,  
quos ab Insubria & Neapolī Cæsar euocau-  
rat, circiter millia sex, veterani omnes. Quum  
igitur omnes iam conuenissent copiæ, prēter-  
quā quas ab inferiori Germania Burēsis duce-  
bat: Cæsar illinc profectus Ratisbonā petit. Eo  
cognito statim oborta fuit suspicio nōnullis,  
quasi in Misniā atque Saxonā cogitaret. Con-  
fectis ergo pōtibus, in alteram Danubii ripam  
Smalcaldicorū transportatur exercitus. Pro-  
gressis aliquantulū versus Norgouiā, nuntius

T. iii.

ad fertur, Ratisbona Cæsarem contèdere Ingolstadium. ibi cōuersa ratione per loca salebrosa & aspera Danubium repetunt, ne Nüburgum, quod est suprà Ingolstadium tribus milliaribus, & Donauerdam Cæsar occuparet, inque Wirtembergicum agrum iter habere expeditum. Vbi Nassafelsum venissent, Lantgrauius postridie non magno cum comitatu progreditur, vt Ingolstadium contempla retur, ignarus ibi Cæsaris esse copias: nam de paucis tantùm Hispanis ibi præsidariis accep erat, eosque volebat ad pugnam prolectare. Sed dum pergit, Sulmonensis principis equites aliquot prodeunt: impetu factò desiderati sunt vtrinque nonnulli, vulnerati verò plures. E captiuis cognitum est, eo die Cæsarem castra facturum esse ad Ingolstadium. Lant grauii factum hoc elector Saxoniæ molestè gra uiterque tulit: & si quid eiusmodi post hac ipso faciat inconsulto, discessurum se profite tur. Copiis deinde productis omnibus in acié & instructis, quasi prælio dimicandum esset, in castra militem reducunt. Lantgrauius paulò post, paucis comitat°, ex omni numero delectis ut aliquid certi cognosceret, exit, & vado reperto, quod nullum esse dixerant ante ipsum emissi speculatores equites, redit ad Saxonem, & equitatum traduci posse renuntiat. Pridie Calendarum igitur Septembbris, prima luce pergendum, & occupandum locum

editio-

Saxo Lant  
grauio suc  
censet.

editiorem, vbi specula fuit Ingolstadiorum aliquando, & tormentis agendum esse placuit, si forte Cæsar ad prælium elici posset. Multa iam nocte, per interuallum, bis Lantgrauius nuntiat abiisse Cæsarem, & fumare castra: sed ille quum fidem ei rumori non haberet, quinque cohortes equitum suorum emittit, qui vadum occupent, & traducendis tormentis atque peditatu pontes efficiant. Aliquantò post ipse cum reliquis copiis omnibus atque tormentis, magna celeritate sequitur. Vbi ventum est ad flumen, nuntiatur ei Cæsarem non se commouisse loco. Cum id ad Saxonem deferriri curasset, progressus, collem illum, de quo dictum est, occupat, & tormentorum ibi partem collocat: copias etiam ad lœvam atque dextram distribuit. idem deinde Saxo facit, vbi cum suis eò venisset.

## LIBER XVIII.

DE Maximiliano Burensi dictum est ante. Is omni confecto exercitu, qui erant equitum ad quatuor, peditum ad decem milia, & in his aliquot Hispanorum atque Italorum cohortes, qui Britaniæ regi contra Galum militauerant, Augusto mense progressus è Belgio, supra & infra Moguntiam, & vbi cunque nauium esset facultas, Rhenum transmittit, licet ad alteram ripam essent à Smalcal dicis copiæ dispositæ, ut transitu illos prohiberent. Archiepiscopus Moguntinus non mini-